



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. III. De Materiâ proximâ Baptismi.

[urn:nbn:de:hbz:466:1-72963](#)

fauisse validum inde constat, quod (ut in eadem historia additur) Dionysius Episcopus Alexandrinus desuper consultus iudicaverit esse deum Baptismum aquæ adhibendum.

Ex Conclusione sequitur I. validè conferri Baptismum in aqua putei, fluminis, pluviali, résolutâ ex nive, glacie vel grandine. Similiter in aqua miraculose productâ, quæ cum elementari foret ejusdem naturæ. Item in aquâ frigidâ, calidâ, tinctâ colore, et si transiverit per sulphureos meatus aut cænac. Item in aqua alteri corpori permixtâ, modò non ita, ut censeatur in aliud corpus transire, v. g. decoctâ leviter in modico hordeo. Ob Sacramenti tamen reverentiam, nullatenus hoc est Reitum extra necessitatem. Immo extra illam debet ex traditione Apostolorum & consuetudine Ecclesiæ adhiberi aqua christmate permixta & benedicta, quæ ad hoc asservatur in fonte baptismali; vel in ejus defectum, in aqua benedicenda justa præscriptum Rituallis Romani. Estque ad hoc obligatio gravis: quâmvis ob levitatem materiae Quidam apud Diana p. 9. Tract. 6. refol. 33. existimat obligationem esse levem. Immo si sic benedicta commodè haberi potest, adhibenda etiam est in Baptismo non solemni: in quo tamen juxta Præpositum q. 71. art. 4. dub. 1. non videtur magnus scrupulus faciendus.

Sequitur II. invalidè conferri Sacramentum in cerevisia aut juscuso bene decoctis, sudore, latte, urinâ, lacrymis, sputo seu sanguine, livâ (de qua habetur c. Non ut aponere, de Baptismo) phlegmate (de quo habetur c. In quadam nostra, De celebratione Missarum) aquâ rosaceâ, aut ex aliis herbis distillatâ, & similibus: quia non sunt aqua elementaris sive naturalis. Secùs est, de sudore marmoris vel parietum temporis pluvioso; qui plane est aqua naturalis.

Si sit materia dubia & certa adhiberi nequit, potest & debet necessitate usupari; idque, dum ante factum dubitatur, sub conditione, si valida sit: deinde postea, habitâ materiali certiori, debet Baptismus sub conditione reiterari. Ad materiam dubiam revocatur illa, de cuius valore sunt dissentientes Doctorum opiniones. Prout sunt v. g. de succo seu humo- stillante ex vitibus & aliis arboribus: qui probabiliter tantum est aqua naturalis, cùm Plerique id negent. Varii nihilominus affirmant, hanc specialiter conjecturam allegantes, quod ista stillatio maximè contingat tempore veris, quo virtus concocta arborum est debilitata à præcedenti frigore, &rahitur plurimus humor ob indigentiam restorationis; qui postea estluit, cùm non possit concoqui. Idem est de sale resoluto, quod Bonacina, Propositus & alii putant esse sufficientem materiam, veluti veram aquam. Alii autem

Herinck Sum. Theol. Pars IV.

nugant esse ejusdem speciei & statûs, saltem moraliter, cum aqua naturali. Et quâmvis ex aqua salsa conficiatur, non ob hoc in illo formaliter aqua remanet, ut propterea in eam rursum resolvatur; sed videtur aliis potius esse quoddam mixtum ex speciali succo concretum, quale est sacarum.

Generaliter autem in necessitate sufficit in alterius defectu adhiberi materiam, quam non sit certum, non esse aquam, seu de qua dicere quis possit, fortè est aqua: necessitate, & adjunctâ seu mente retentâ conditio-ne, abstergente periculum irreverentiae. Quare etiam Nonnulli apud Coninck quæst. An aquâ ratione 66. art. 4. dub. 1. censem tunc posse adhiberi aquam rosaceam, aut ex aliis herbis distilla-tam, aut etiam cerevisiam. Et recte, si & de his aliqualiter dubitari posset, an censi- rie possint aqua usualis seu naturalis. De quo certè rationem dubitandi non video. Et aliundè ex communi sensu videtur indubitatū, non valere Baptisma Hæreticorum in aqua rosacea collatum, adeoque sine condi-tione repetendum; qui tamen alias valeret etiam extra necessitatem sic collatus, posito dubio præfato ejusque veritate.

Q U A E S T I O III.

De Materia proxima Baptismi.

DI C O : Materia proxima Baptismi est ablutio. Ita communiter Theologi cum Scoto dist. 3. q. 3. num. 2. Ratio est: quia illa est materia proxima, quæ proximè determinatur à forma, seu (ut loquitur Scotus) quæ cum verbis tamquam signum proximum significat effectum Baptismi: hoc autem locum habet non in aqua, sed in ablutione.

Hinc sequitur I. glaciem & nivem, et si non differant specie ab aqua naturali, non posse esse materiam Baptismi: quamdiu enim non resolvuntur, non potest in iis fieri ablutio: hæc namque dicit motum materiae liquidae circa corpus abluendum, nomine pro-sive per applicationem aquæ ad corpus, ut priè intell- fit in iufusione, sive per applicationem corporis ad aquam, ut fit in immersione: idque sive abstergantur aliquæ fordes, si- ve non. Nam ablutio hic non distinguuntur contra lotionem, nec includit amon- den fordium à corpore, ut optimè Scotus sup. moraliter enim & essentialiter dicitur quis lavari, cuius corpori atriè applicatur aqua; depositio autem fordium potius est acci-dentalis effectus lotionis.

Pro majori autem securitate, immo juxta multos etiam necessariò pro valore Baptismi, debet resolutio glaciæ sive ni-viæ fieri, dum adhuc subest manui bapti-zantis, vel applicationi, antequam recipia-piatur in corpore baptizati, sic ut ex manu bapti-

Regula Ge-neralis.

Materia pro-xima Bap-tismi, ablutio.

19.

Q

*eritatis in-
cerum, an
ad valorem
id necessa-
rium.*

baptizantis stillæ dimittantur in corpus baptizandi ; quia alias non satis apparet, ipsum adhibere materiam ablutioni aptam, vel propriè ablueret, sed alium potius ablueret se ipsum, si demum fiat resolutio in alterius corpore. Hoc tamen non est certum ; & à Varijs negatur.

*20.
Quantitas
aqua que
requiratur.*

Sequitur II. tantum aquæ debere contingere corpus baptizandi, ut ipse moraliter censeatur ablutus ; ad quod tamen non requiritur magna aquæ quantitas. Ita omnes Theologi. Immo Vasquez d. 145 num. 32. cum aliis putat quamcumque stillam sufficere. Quod tamen negant plures alii, ut videre est apud Bonac. a d. 2. q. 2. p. 3. num. 18. ut proinde res sit planè dubia.

*21.
Qualis
pars corporis
sit ablucenda.*

Sequitur III. eam corporis partem esse ablucendam, à qua homo denominatur verè ablutus. Quænam autem sit talis pars, controvertitur inter Doctores. Constat quidem sufficere caput, pectus vel humeros. Sed multi negant sufficere pedes vel manus, & multò minus reliquas partes minores, v. g. digitum. Vasquez sup. num. 28. cum quibusdam aliis p. stat sufficere quamcumque minimam partem : sicut enim vulnus in ea acceptum aliquem denominat vulneratum ; sic à lotione in ea acceptâ rectè dicitur lotus, & clariùs, aquâ aspersus. Ad hanc siquidem denominationem non requiritur, ut sumatur à majori parte : quævis enim id requiratur in qualitatibus habentibus contrarium, quorum alterum inest subiecto, in quantum non inest qualitas repugnans, v. g. in albedine &c. scilicet tamen est, quando denominatione sumitur ab actione, quæ circa aliquem exercetur, v. g. quando quis dicitur verberari, maculari &c. Et sane constat sufficere in præsenti ablutionem capitum, et si ipsum non sit pars major corporis. Prout etiam quis dicitur simpliciter inungui christmate in Confirmatione, et si parva pars frontis à christmate attingatur.

*22.
Equalem
extra neces-
sitatem est
ablucendum
caput.*

Nihilominus eti hoc speculativè sit sat probabile, in re tamen tanti momenti tutior pars est eligenda. Unde si nihil obstet, semper ablucendum est caput, ut monet D. Thomas quest. 66. art. 7. ad 3. tum ob antiquæ Ecclesiæ consuetudinem : tum quia caput est præcipuum hominis membrum, in quo vigent omnes sensus, tam externi, quæ interni. Quod si infirmitas parvuli, aut alia causa ablutionem capitum non ferat, ablucendum est percutus vel humeri. Si autem non posset in aliqua ex dictis partibus baptizari, esset baptizandus in quavis parte, etiam dígito aut aliâ minimâ. Quod respondisse quoque fertur Innocentius IV. ut refert Amicus d. 11. scilicet 2. Postea tamen ob incertitudinem esset talis rebaptizandus sub conditione in alia parte certiori, qualis semper est præeligenda, quantum est possibile. Ita

*Secundus dist. 4. q. 3. num. 3. D. Thomae &c. alii
communiter.*

Sequitur IV. aquam debere immidatè tangere corpus ; alias enim non esset vera corporis ablution. Unde parvulus utero matris conclusus aut corio infutus, ut nullâ ratione possit ab aqua tangi, non posset baptizari. Similiter non valeret Baptismus si aqua tantum attingeret vestes baptizandi. Ita omnes Theologi. An autem valeret, si soli capilli madeficerent, vel solæ secundinæ quibus puer involutus esset, valde incertum est. Affidimat equidem Vasquez sup. num. 31. Coninck & alii ; eò quod ista censeatur pars prolis. Quod adhuc de capillis est magis verosimile, qui sunt pars ornans hominis, quæ de secundinis, aut galea quam vocant nativitatis ; cum hæc pellicula non tam videatur pars quæ amictus seu tegumentum corporis in utero clausi. Quidquid sit propter dubium non licet sic baptizare extra necessitatem, taliterque baptizatus esset sub conditione rebaptizandus. Et si antea moriatur, esset ob baptismum saltem dubium in loco sacro sepeliendum.

Sequitur V. ad valorem Baptismi esse indifferens, sive corpus aquæ immergatur, sive cå aspergarur, sive aqua corpori infundatur. Ita D. Thomas quest. 66. art. 7. & omnes Scholastici teste Vasquez supra num. 10. Idem tradit Rituale Romanum Tit. de forma Baptismi, et si proferat immersionem capitis in aquam, vel infusionem aquæ in caput baptizandi, retinendam pro consuetudine Ecclesiarum. Ratio est : quia utroque modo potest homo sufficenter dici ablutus. Similiter ad valorem est indifferens, utrum adhibeat trina vel una tantum immersio seu infusio : cum etiam unica sufficiat ad denominandum hominem ablutum. Patet hoc quoque ex consuetudine Ecclesie, quæ ob diversas rationes occurrentes modo unicam immersionem, modò trinam adhibuit, juxta Gregor. lib. 1. Ep. 41. & refertur c. De trina dist. 4. de Confess. Et Tolotianum IV. c. 5. (ut refertur c. Proper. 85. de Confess. d. 4.) statuit simplam seu unican mersionem ob haeresim Arianorum, qui trinam mersionem profitebantur trinitatem seu multiplicitatem naturarum.

Nec obstat Canon. 50. Apostolorum & c. Multi sunt dist. 4. de Confess. ubi strictissimè præcipitur trinæ mersionis adhibitio. Item multi Patres asserunt trinam mersionem esse Apostolicam traditionem. Immo c. Multi sunt dicitur : Evangelicum præceptum, ipso Deo & Domino nostro Iesu Christo tradente, nos admonet, in nomine Trinitatis trinæ etiam mersione sanctum Baptisma unicuique tribuere. Non obstat inquam : nam ex his non plus sequitur, quæ quod

*In necessita-
te tamen pars
minima.*

quod trina mersio & sub qua intelligi posset quilibet ablutio) ab Apostolis aut Pontificibus fuerit præcepta ob certas rationes. Immo iisdem locis ratio talis præcepti additur, ne videlicet Baptismus videatur dari tantummodo in nomine Christi aut morte Christi (ut quidam Hæretici tunc contendebant) sed in nomine Trinitatis. Quod autem vocetur Evangelium præceptum ipso Deo ac Domino nostro tradente; hoc ad expressionem Trinitatis, de qua Evangelium admonet, est referendum; qui valde conveniens est trina mersio, & ex præcepto Ecclesiæ tunc necessaria. Idque patet ex ratione mox subnexâ: *Dicente Domino discipulis suis: Ite, baptizate omnes gentes in nomine Patris &c.* Alioquin nullum legitur præceptum Evangelicum de trina mersione. Unde idem Pelagius c. si re vera 30 eadem dist. (quod juxta ordinem contextus videtur sequi post c. Multi sunt; ut ad hujus calcem notatur) solum requirit, ut sint baptizati in nomine Trinitatis; quod si confiterit, declarat (nullâ trina mersionis conditione apposita) admittendos esse ad Ecclesiam absque alio Baptismo, in tali dispositione servata, nihil aliter, quam quid Evangelica iubet auctoritas, temeritatis cuiusquam spiritu videatur effectum. Quare Glossa in c. Si quis presbyter 79. eadem dist. ait: Aliud est scilicet immergi sub illa verborum forma *Baptizate in mortem Domini;* quod interdictum: aliud in nomine Trinitatis, hoc est Patris & Filii & Spiritus sancti unicâ mersione; quod in Ecclesia quibusdam permititur.

Dum autem Scriptores Orthodoxi leguntur inveni in Eunomium, quod unicam tantum mersionem adhiberet, hoc ideo fecerunt, quod Eunomius id ageret in odium mysterii Trinitatis, cuius adeò infensus fuit hostis, ut quilibet etiam signa quibus illa repræsentaretur amoverit, nempe trinam immersionem in Baptismo fieri consuetam, ut testatur Theodosius lib. 4. heretic. Fabul. Unde idem quoque Anabaptismus introduxit, rebaptizando scilicet eos qui in nomine Sanctissimæ Trinitatis baptizati essent, teste Epiphanius hæresi 75.

Nihilominus ad licitam administracionem requiritur mersio sive infusio una vel trina juxta Ecclesiarum consuetudinem; quam immutare esset grave peccatum juxta D. Thomam quæst. 66. art. 8. eti Sotus dist. 2. quæst. unio. art. 8. arbitretur non esse mortale. Et quidem his in locis usus est trinæ infusionis aquæ super caput baptizandi, sic ut prima infusio fiat, dum dicitur, in nomine Patris, secunda, dum dicitur, & Filii, tertia deinde, in pronuntiando, & spiritu sancti. Habetque hæc trina immersio vel infusio significationem Trinitatis, ut ex Augustino refertur c. Postquam 78. de Consecrat. dist. 4. Addit Gregorius lib. 1. Epist. 41. (& refertur c. De trina

20. ead. dist.) triduana sepulture Sacra menta signari, ut dum tertio infans ab aquis educitur, resurrectio triduani temporis exprimatur. E contraria sicut in tribus mersionibus personarum Trinitas, sic & in una potest divinitatis singularitas designari, juxta Gregorium sup.

Sciendum vero quod dum trina mersio 27. opportuno tempore adhibetur, quilibet concurrat tamquam pars Sacramenti, & ablutio est ob hoc cavit Ecclesia, ne ante tertiam ablutionem forma absolvatur, sed ut verba accommodè disponantur & proferantur. Si tamen id non fuerit factum, sed secunda & tertia sequatur totam prolationem formæ, tunc spectata communis intentione ministri confetur juxta Doctores communiter absolvit Sacramentum citius; cum intentione censetur esse, ut quam primum sufficiens materia & forma est posita, ponatur Sacramentum ejusque effectus.

Immo juxta Doctores communiter 28. contra Dicastillo disp. 1. dub. 3. n. 64. & 69. Quantum vis id minister intendere deret.

non est tunc in potestate ministri, ut etiam tertia ablutio instar partis concurrat, quantumvis id intenderet, aut Sacramentum citius perfici nollet. Ratio est: quia non est in potestate ministri differre positionem Sacramenti, positâ sufficienti materiali & Declaratur. formâ cum debita intentione; sed illâ positâ sequitur tamquam effectus naturalis, tum positio Sacramenti, tum positio effectus. Quare non magis pertinet tertia ablutio ad Sacramentum Baptismi, quando sequitur formam, quam quartâ aut sextâ. Itaque vel ista intentione ministri est saltem tacite subordinata alteri efficaciori & prævalenti, quâ minister velit absolute facere quod Christus instituit, adeoque idem non aliter velit differre Sacramentum, quam ex suppositione, quod (ut putat) Christus sic instituerit: & tunc confertur verum Sacramentum citius. Sicut eti Græci ex errore putent ad consecrationem panis necessariò concurrere ly quod pro vobis datur, adeoque eo usque differri effectum, equidem validè & citius consecrant ob prævalentem communem intentionem. Vel ista particularis intentione est omnino absoluta, & prævalens communis intentioni; & tunc minister nihil faceret; nisi fortasse vellet in casu quo tertia ablutio non posset esse pars, primam potius & secundam ablutionem non concurre. Quemadmodum qui intendet consecrare, tamen omnino absolute nollet effectum ponî ante quadrantem horæ postea, nil faceret; ut & ille, qui absolvens à peccatis, non intenderet omnino dari effectum ante dictum in nomine Patris &c.

Neque ex communi doctrina potius sequitur peccare ministrum, si non accuratè invigilet, ne forma ante tertiam ablutionem finiatur, quam id sequatur ex doctrina ipsius Dicastillo, juxta quem etiam servata intentione communi ministri (quæ utique servari 29. 29. An peccat minister negligens in auctoritate ipsius Dicastilli, tempore & intentione servata)

servari debet : cum intentio restringens sicut
nimis dubii valoris) non differtur valor &
effectus Sacramenti usque ad tertiam ablutionem
subsequentem ; adeoque cum com-
muni intentione procedens peccaret , qui
præfatam accuratam sollicitudinem non ad-
hiberet. Et planè hoc verum foret , si Ec-
clesia ad id se stricte obligare exprimeret :
quāvis fortasse potius videatur ex-
primere suum desiderium , quām grave aut
strictum præceptum. Tali itaque casu ablu-
tio. tercia subsequens tantum esset cere-
monialis : qualis similiter tantum est pro ea
parte , quā durat post pronuntiationem for-
mæ , eti pro parte fuit antea incepta.

30.
*Carponius
concurrat
tertia abluti-
o præce-
dens , quā
sequens com-
pluat for-
mam.*

Non obstat quoque , quod , si ablutio
tertia præcedat , concurrat tamquam pars ,
eti alioquin unica sufficeret. Nam simili-
modo concurreret etiam quarta ablutio :
quælibet enim tunc æquè determinatur à
forma , & concurrit ad significationem .
Sicut etiam concurrit unica ablutio mul-
tum copiosa , eti parcius sufficeret . Simi-
liter forma sono vehementi prolatæ , eti exi-
liori prolatæ sono sufficeret . Aliud est de
ablutione subsequenti : forma enim mate-
riam sufficientem prius possum mox de-
terminat , & eo ipso ponitur essentia & ef-
fectus Sacramenti. Quemadmodum illa non
differtur , quidquid minister intenderet ,
si is in tercia vel ulteriori ablutione suc-
cessivè continuandæ post formam pro nutu suo
pergeret , vel ultimam syllabam insolito
modo protraheret .

31.
*Oproposita
sententia
Dicastillo
frustrâ que-
rit patroci-
nium ex
forma Ab-
solutionis.*

Non obstat præterea , quod eti ad ab-
solvendum sufficiat ly Absolvo te & non ta-
men fiat Sacramentum ante ly à peccatis ,
quando fæcetos vult etiam hæc verba con-
currere : nam etio hoc verum foret (quod
tamen negat Lugo & plures alii in materia
de Sacramento Pœnitentia) hoc esset ideo ,
quod ly à peccatis significationem verbi
absolvo ad varia vincula indeterminatam de-
terminet ad significandam absolutionem
à peccatis , quando minister intendit ver-
bum istud sumere in sua generali significa-
tione ; alias autem determinari debeat à
circumstantiis. At unica ablutio cum for-
ma plenissimam significationem habet , eti
aliqua subsequens ablutio vel alia circum-
stantia non confignoscit. Deinde ly à peccatis
requirit essentialiter , saltem implicitè
(secus est de secunda vel tercia ablutione)
adeoque non mirum , quod dum additur , ip-
sum per se concurrat ; utpote ad signifi-
cationem essentialē formaliter requisitū. Alias
posita materialē & formā sufficienti non posse
essentiam aut effectum per intentionem
ministri suspensi propter additionem ali-
cujus nec explicitè nec implicitè requisiti
ad significationem essentialē Sacramenti
(prout hī fieret) patet exemplo consecra-
tionis sanguinis , cuius effectus non potest
ex intentione ministri suspensi usque dum

protulerit novi & eterni testamenti &c. ut ha-
bet communis sententia , à qua non differt
ipse Dicastillo disp. 3. de Eucharistia dub. 6. ed
quod nimur ista additio non spectet ad si-
gnificationem essentialē transubstan-
tiationis viæ seu præsentiae sanguinis Christi.

Non obstat denique , quod in Extrema
Unctione singulæ unctiones cum singulis
formis proportionatis concurrant tamquam
partes integrales. Nam hoc dato , id
fieret ex institutione Christi : quæ hī non
referitur. Quod ad rem ipsam spectat , sunt
variae sententiae ; quarum nulla prodest spe-
culationi Dicastillo. Nam primo Doctores
passim censem unctiones quinque sensu-
um esse de essentia , adeoque ante ultimam
unctionem , aut etiam unā omisā , non sub-
sistere Sacramentum , nec conferri gratiam.
Quod nihil commune habet cum secunda
vel tercia ablutione. Secundo Nonnulli censem
singulas unctiones cum singulis for-
mis esse partia Sacraenta , & conseq-
uerter singulas separatim conferre necessari
singulos seu partiales effectus. Nihil autem
simile est in secunda vel tercia ablutione.
Cui potius assimilari possit unctione secundi
organū , quando duplex organū sensus
visus , scilicet vel auditus , inungitur ex or-
dinatione Ecclesiæ : si enim unctione secundi
organū sequatur prolationem formæ pro-
portionata , conseqüenter non concurre-
ret ad effectum istius partialis Sacramenti ,
utpote completi , juxta horum sententiam :
immo nec juxta primam sententiam mox
recentian concurreret , si jam ceteræ un-
ctiones erant adhibitæ cum suis formis.
Denique Quidam putant ex Christi insti-
tutione sufficere unicam unctionem , dum
modo adhucetur unica forma adæquata ,
prout in materia de extrema Unctione vi-
debitur : tunc autem positâ sufficienti un-
ctione & hujusmodi formâ , non differetur
positio Sacramenti usque ad reliquias un-
ctiones formæ prolationem subsequentes :
ut neque juxta nostram & communem
sententiam differtur in præsenti positio Sa-
cramenti Baptismi usque ad secundam vel
ulteriorē ablutionem formâ posteriorē.
Hæc paulò fuisus discutere libuit præ
morem , ed quod hactenus non viderim ,
qui istam Dicastillo speculationem ex profis-
so discusserit seu impugnaverit.

Dubitatur præterea à Doctoribus , an
leat Baptismus , si quis cum prolatione for-
mæ infantem submergendum projicit in
puteum vel flumen ? Estque duplex opinio
probabilis. Prima negat. Pro qua refutatur
Antonius , Angelus , Armilla , Taberna , Sylvester ,
Vivaldus , Sotus , Henriquez , Toledo , Pitigianus ,
atq; etiam Scotus d. 4. q. 3. n. 3 Ratio est.
quia non videtur Christus instituisse pro
materia Sacramenti occisionem hominis ,
adeoque actionem intrinsecè malam. Deinde
qui aliquid in fluvium projicit animo ibi
relinquit.

relinquendi, non tam censetur illud lavare, quām perdere; ut si v. g. quis aliquem manibus & pedibus ligatis in mare proiec-
ret. Quare si talis interrogatus de causa facti, responderet, se velle lavare proje-
ctum, à cunctis exploderetur. Debet igitur esse ablutio moralis & usualis, non ordinata ad mortem per se. Quāvis si ex vera ab-
lutione mors baptizati per accidens seque-
retur (quod vix natum est fieri, quando prudenter adhibetur) valeat Baptismus, im-
mo aliquando licet.

Secunda Sententia æquè vel magis pro-
babilis affirmit, hujusmodi Baptismum esse
validum. Eam tenet *Panormitanus*, *Gabriel*,
Petrus Ledesma, *Suarez*, *Vasquez*, & Recen-
tiores passim. Et quāvis *Scotus* sup. videa-
tur contrarius: alibi tamen innuit opposi-
tum, vel saltem manet dubius, ut notat *Hu-
go Cavellus ibidem in Scholo*, & ad n. 2. diff. 5. q. 3.
In qua etiam quæstione n. 1. *Scotus* solum
refert, quid dicatur à *Richardo* & aliis, in-
quiens: *Dicitur etiam, quid t. d. si projectus*
nun est baptizatus &c. Similiter in *Report.*
ibid. n. 8 aperte loquitur dubitativè. Ratio
hujus sententiae est: quia nihil deest tali a-
ctioni, quod minus sit vera & physica ablu-
tio, sive contactus aquæ ad corpus. Immo-
etiam est moralis ablutio: nam esto simul sit
occisio, potest eadem actio sortiri duas mo-
ralitates. Quare et si seclusis circumstantiis non
diceretur quis velle talem puerum lavare,
sed potius occidere; tamen in iis circumstan-
tiis ab iis qui norunt eas, censemur potius
velle lavare quām occidere; & hoc potius
tantum ex necessitate, quia alter lavare
non potest: vel quāvis ex malitia id fa-
ceret, non obstat, quin simul velle & censem-
ri possit, tum lavare seu baptizare, sicq; ani-
mam salvare, tum quoad corpus occidere.
Quod autem non sequatur emersio, non tol-
lit quoque rationem verè ablutionis: ut non
tolleret, si finita formâ puer casu elapsus è
manu baptizantis submergeretur. Addit *Di-
cassillo diff. 2. n. 63*: quod et si tota immersio
quā puer occiditur, ablutio illius dici non
posset, illa tamen pars, quæ ante mortem
cum forma Sacramenti finitur, propriè est &
dicitur ablutio ac materia Sacramenti.

Confirmatur: quia si ob debilitatem
puerulus moreretur ex levi contactu aque,
est etiā validè baptizatus, et si actio
ista in talibus circumstantiis si verè occisi-
va parvuli. Idem est, si per imprudentiam
adhibetur minister aquam frigidam hic &
nunc verè occisivam. Cujus quoque actio
talis foret intrinsecè mala, esto ob igno-
rantiam excusata à formalia malitia. Quali-
equidem ignorantia etiam subesse posset in
projiciente in flumen: neque facit, quod sit
vel non sit ablutio à Christo instituta.
Christus itaque instituit veram ablutionem,
prohibens quidem adhiberi, non tamen
invalidans actionem illicitem. Instituit,

Herinx Sum. Theol. Pars IV.

inquam simpliciter actiones ex generica ra-
tione, sub qua cadunt sub institutionem, lici-
tas non tamen invalidat, si per accidens infi-
cientur, aut simul malam moralitatem for-
tiantur. Ablutio vero occisiva non est ma-
la quā ablutio, sed quā occisio; neque est
institutiona sub moralitate occisionis, sed sub
moralitate ablutionis. Alii moralitas directæ
occisionis adjungitur; si tamen adjungatur.
Quod addo: nam si ratio spectetur (Do-
ctorum auctoritas contradicit) difficile ap-
paret esse moraliter occisionem directam
in casu quo parvulus certo sine Baptismo
nihilominus moreretur, adeoque aeternali-
ter periret: cum non eligatur mors tam-
quam medium ad Baptismum, sed ipsa
dumtaxat Baptismum consequatur; id-
que non certius quā sequatur præcipita-
tionem sui ex turri flagrante, quæ licita cen-
setur ac indirecta solum occisio si adhibe-
tur ad fugiendum vivi comburium.

Certius valeret Baptismus, ut admit-
tunt etiam alii, si puer mittatur in aquam
per calathum vel quid simile, dein extra-
hatur: quia non est necesse, ut baptizans
tangat aquam, modò aqua per ipsum ad-
hibita tangat baptizatum.

Quando etiam puer baptizandus peri-
culose ægrotat, & ablutio magnum illi 35.
Qualiter
detrimentum est allatura, omnis diligen-
tia adhibenda est, ut caveatur omne cor-
poris damum, & saluus detrimentum, procedendū
si parvulo
ex ablutio
ne immi-
neat detri-
ficiente
v. ne immi-
mentum
corporales
ut fiat aspersione, quantitate modicâ suf-
ficiente, & in ea parte corporis, in qua mi-
nus nocere possit: & si oportuerit, ut aqua
etiam modico calore temperetur, & statim
post aspersionem abstergatur. Quæ omnia
si observentur, ut servari facile possunt,
moraliter loquendo vix potest cogitari, aut
fingi, quod ex hujusmodi Baptismo auga-
tetur mortis periculum, vel vita desperatio,
quantuvis infans sit debilis & in ultimis
constitutus. Quare nequidem in mortis
periculo est Baptismus parvuli differendus,
et si aliqualis acceleratio mortis inde time-
retur secutura, quod non est natum fieri,
quando Baptismus prudenter applicatur,
pro nihilo enim habendum fore illud detri-
mentum corporale, quando jam adest mo-
rale periculum mortis æternæ.

Q U A E S T I O N E IV.

De Forma Baptismi.

F UERUNT olim varii errores de forma 36.
Baptismi, etiam circa tempora Apo-
lorum, ut colligitur ex can. 49. *Gr. S. Apo-*
Stolorum; sed omnes desierunt. Moderni
etiam Hæretici, fatentur formam usitatam
Catholicorum esse bonam, sed negant esse improbat,
necessariam. Unde *Lutherus lib. de Captivitate sed multi*
Babylonica c. De Baptismo vult valere Bap-
tismum quibuscumque verbis detur, modo non neces-
sarium pue-
tant.

Q 3

in